

ՎԱՍՊՈՒՐԱԿԱՆԻ ԻՇԽԱՆՈՒԹՅՈՒՆԸ 850-ԱԿԱՆ ԹՎԱԿԱՆՆԵՐԻՆ

Վ. Մ. ՎԱՐԴԱՆՅԱՆ

850-տական թվականների սկզբներին Վասպուրականը ծանր իրավիճակում էր: Հայաստան ներխուժած Բուղա զորապետին հաջողվել էր դրավել նաև Վասպուրականը, գերել գահերեց իշխան Աշոտ Արծրունուն, նրա եղբորը՝ Գուրգենին և ուրիշ իշխանների: Սակայն Վասպուրականի զինական ուժերը, որոնք հիմնականում քաշվել էին Կորճայքի Որսիքանք գավառը, չհանձնվեցին Բուղային և իրենց հրամանատար Գուրգենի գերեվարումից հետո վերադարձան Վասպուրական ու ցրվեցին:

Այսպիսով, նախարարների ուժերը ջլատվեցին և նրանք ստիպված եղան մտնել իրենց ամրոցներն ու սպասել դեպքերի զարգացմանը¹: Դրա հետևանքով նրանք ի վիճակի չեղան խոչընդոտելու արաբ գաղթականների հաստատմանը Վասպուրականում, որոնք «սկսան այնուհետև աներկիւղ համարձակութեամբ սփռել տարածանել ի վերայ երեսաց երկրիս ամենայն ազգին տաճկաց, որ ելեալ էին զհետ նորա ընտանեօք իւրեանց, և ձեռնամուխ եղևն բաժանել զերկիրն յինքեանս. և արկանէին վիճակս և լարս ձգէին ի վերայ սահմանաց...»²: Միաժամանակ Վասպուրականի աշխատունակ բնակչության զգալի մասը գերվեց և ստրկության վաճառվեց: Հայ իշխանների մի մասը հանձնվեց Բուղային կամ համագործակցեց նրա հետ: Նրանց նկատմամբ կիրառվում էր նաև բռնի հավատափոխության քաղաքականություն, որը նոր չէր և բխում էր ոչ այնքան մահմեդականության սկզբունքներից (վերջինս թույլ էր տալիս այլադավան իշխանների գոյությունը մահմեդական պետության մեջ³), որքան Արաբսյանների որդեգրած բռնության քաղաքականությունից: Հովհաննես Դրասխանակերտցին վկայում է, թե Բուղան խալիֆայից հրահանգ ուներ հայ իշխաններին գերեվարել, իսկ զգալի ես ռամիկ հեծելազօրս, որ սուր յազդեր ունել մարթացեալ և կամ զզէն շարժել՝ զամենեանս սատակեսցէ: Բայց միայն թէ ի լաւագունից ոմանց ի պաշտօն օրինացն Մահմէտի ոք դարձցի՝ զնոսա ընդ իւր տարցիս⁴: Հավատափոխ չլինողը սպանվում էր, որքան էլ սերտ կապեր ունենար Բուղայի կամ ուրիշ արաբ պաշտոնյաների հետ⁵: Ստեղծված պայմաններում փրկությունը տրվում էր միայն հավատադրացության գնով⁶:

¹ Տե՛ս Վ. Մ. Վարդանյանի վարդապետի Արծրունի Պատմութիւն տանն Արծրունեաց, Թիֆլիս, 1917, էջ 250:

² Նույն տեղում, էջ 251:

³ Baladhuri, The origins of the Islamic state (Kitab Fatuh al-Buidan), vol. I New-York, 1916, p. 191.

⁴ Տե՛ս Վ. Մ. Վարդանյանի Դրասխանակերտցի Պատմութիւն Հայոց, Թիֆլիս, 1912, էջ 118:

⁵ Նույն տեղում, էջ 123—124, Տե՛ս Վ. Մ. Վարդանյանի, էջ 234, 280, «Մայր ցուցակ սրբոց Հակոբյանց, հ. 1, Երուսաղեմ, 1966, էջ 28:

⁶ Տե՛ս մ. ռ. է. ի. քահանայի Անեցու Հաւաքմունք ի գրոց պատմագրաց, Վաղարշապատ, 1893, էջ 93:

Վասպուրականի նախարարները գտնում էին, որ խալիֆայի հանդեպ ոչ մի հանցանք չեն գործել և վերջինիս ղորքի հետ ընդհարվել են միայն Բուղայի կամ նրա նախորդների նենգ ու թշնամական վերաբերմունքի պատճառով: Այլ ճանապարհ չունենալով՝ Վասպուրականի նախարարները դիմակայում էին վերջիններիս և միաժամանակ գտնում, որ երկրի իրական տերերն իրենք են և որ պետք է դիմադրեն կամ զրկվեն իրենց իրավունքներից ու ոչնչանան: Այս պատճառը, որ նույնիսկ դատավարության ժամանակ Վասպուրականի գերված նախարարները նույն համոզմունքը հայտնեցին. «մեք ոչ եմք ապստամբք ի քումմէ ինքնակալ թագաւորութենէդ», ուստի իրենց հետ չպետք է վարվել ժիրքե ընդ համհարզս և ընդ ստամբակս, իբրև ընդ աննշանս կամ ընդ անընդել վայրագս»: Սակայն խալիֆան հայտարարեց, որ հայ իշխանների ժառանգական իրավունքները կճանաչի միայն նրանց հավատափոխության պայմանով⁷ և առաջ քաշեց հետևյալ մեղադրանքները. նախարարները չեն ճանաչել իր դերիշխանությունը, պատերազմել են իր դեմ, հասցրել վնասներ, հրաժարվել են հարկատվությունից⁸, նախարարներն այլ ելք չունենալով՝ ստիպված եղան առերես հավատափոխ լինել: Առաջինը հավատափոխ եղավ Հայոց իշխան Բադարատ Բագրատունին¹⁰, որին հետևեցին մյուսները, բացառությամբ Սմբատ սպարապետի, Գրիգոր Արծրունու և ուրիշների, որոնք նահատակվեցին: Վասպուրականի նախարարներից միայն Վասակ Արծրունին կամովին ուրացավ հավատը¹¹, ուստի հիշվում է «դենադարձ», «ամբարիշտ» մականուններով:

Սակայն Հայաստանից բոլոր նախարարները չէ, որ տարվեցին գերություն: Նրանց մեծ մասը հնազանդվեց Բուղային, որը ձեռնելու մեկնելով Դվին՝ արձակեց զգուրս իւրաքանչիւր զօրագլխօք եկելոց առ նա յամենայն ազգաց յաշխարհէս Հայոց՝ երթալ ձմերել յիւրաքանչիւր տեղիս բնակութեանցս, միաժամանակ հրամայելով, որ գարնանամուտին գան իր մոտ՝ «ամենայն պատրաստութեամբ»¹²: Այս հաղորդումից պետք է մականբերել, որ Բուղան մտադիր էր հնազանդված հայ իշխանների զորքն օգտագործել Կովկասի նորանվաճ բնակավայրերում որպես կայազոր տեղակայելու կամ մարտադաշտ տանելու համար¹³ (Տիգրիսում հիշվում է խուժեցիկներից կազմված պահակազոր¹⁴): Այս տեսակետից ուշագրավ է այն, որ Քթիշ ամրոցի տեր Ծսայի Ապուամուսեի դեմ կռվելիս Բուղային աջակցեցին Սմբատ սպարապետը և իր որդին: Բացի այդ, հետագայում, երբ Բուղայի զորապետ Բուտելը հարձակվեց Վասպուրականի իշխանապետ Գուրգեն Ապուպելճի վրա, նրան օգնեցին Վասպուրականի որոշ իշխաններ, որոնք մինչ այդ հարել էին խալիֆայությանը: Սակայն Վասպուրականի ազատանու մեծ մասը կարողացավ հեռու մնալ Բուղայի լարած որոգայթներից, ուստի երբ վերջինս Ծսայի Ապուամուսեին գերե-

7 Թ. Վ. Վ. Ա. Ր. Ր. Ր. Ր. էջ 255:

8 Նույն տեղում, էջ 256:

9 Նույն տեղում:

10 Նույն տեղում, էջ 260:

11 Նույն տեղում, էջ 261:

12 Նույն տեղում, էջ 275—276:

13 J. Laurent, L'Arménie entre Byzance et L'Islam, Paris, 1919, p. 119—120.

14 J. Markwart, Osteuropäische und ostasiatische Streifzüge, Leipzig, 1903, S. 460.

լուց հետո վերստին աքսորեց Հայաստանի նախարարներին, ապա նրանց մեջ Վասպուրականի իշխաններն այլևս չեն հիշվում¹⁵, Սա հետևանք էր այն բանի, որ վերջիններս մնացել էին աննվաճ և Բուղայի հետ չէին համագործակցում:

Վասպուրականի գահերեց իշխան Աշոտ Արծրունուն և նրա եղբորը ձերբակալելուց հետո Բուղան համոզված էր, թե նահանգի իշխանների քաղաքական կողմնորոշումն արմատապես փոխվել է հօգուտ խալիֆայության, ուստի Վասպուրականի կառավարումը հանձնեց իր գրածո Իբրահիմ ամիրային, որին թուվմա Արծրունին հորջորջում է «Հայոց հազարապետ», «Իբրահիմ ոման»: Պատմիչի հաղորդումից երևում է, որ վերջինիս նստավայրը Նախճավանն էր¹⁶, Իբրահիմը հավանորեն Բուղայի բացակայության ժամանակ եղել է Արմինիայի ոստիկանի փոխանորդը¹⁷, որը այլ աղբյուրից հայտնի չէ¹⁸, Սակայն Իբրահիմը Վասպուրականում չէր կարող ունենալ հաստատուն հենարան և իշխանություն, քանի որ տեղի ազատագործը Կորճաթից վերադարձել էր հայրենի գավառները: Այսպիսով՝ Վասպուրականը շնայած կորցրել էր իր իշխանապետությունը, սակայն պահպանել էր զինական ուժերը, որոնք պատեհ պարագաներում կվերականգնեին նահանգի ինքնուրույնությունը: «Յետ բառնալոյ իշխանութեանն ի Վասպուրական երկրէն մնացին տոհմք Արծրունեաց ըստ ազգս ազգս...»¹⁹, — գրում է թուվմա Արծրունին: Արծրունիների տոհմը ներկայացնում էին չորս ճյուղեր, որոնց գլխավորում էին Ապուլափըրը, Ապումկղեմը, Վասակ Կովակերը և Գուրգեն Ապուլափը: Սրանք Արծրունիների տոհմի երկրորդական ճյուղերի ներկայացուցիչներն էին, և իհարկե, ունեին իրենց ստորադրյալ ազատներն ու զորքը: Արծրունիների իշխող ճյուղի անդամների բացակայությունն առիթ դարձավ, որպեսզի վերոհիշյալ չորս ճյուղերի պարագլուխները պայքարեն առաջնության համար: Նրանք, գրում է պատմիչը, «ճեղքեցան ի միմեանց և զօրս գումարեցին ի զերծելոցն ի սրոյն և ի գերութենեն Բուխայի»²⁰, Այս ժամանակաշրջանում Վասպուրականում գործում էին երեք խմբավորումներ, որոնք պայքարի մեջ էին միմյանց հետ և առաջադրում էին նահանգի գահերեց իշխանի իրենց թեկնածուն: Իշխանների առաջին խմբավորումն առաջ էր քաշում Գուրգեն Ապուլափի թեկնածությունը, որն անցել էր Բյուզանդիա և խալիֆայության հանդեպ ուներ դիմադիր կողմնորոշում: Երկրորդ խմբավորումն առաջադրում էր Ապումկղեմ Արծրունուն, երրորդը՝ Վասակ Կովակերին, իսկ Ապուլափըրը Արծրունու գլխավորած իշխանները հա-րում էին երկրորդ խմբավորմանը:

Այս պայքարի հետևանքով Վասպուրականում ստեղծվել էր խռովահույզ իրավիճակ²¹, Նախքան Գուրգեն Ապուլափի վերադարձը, Վասպուրականի իշխանների զգալի մասը համախմբվեց Ապումկղեմ Արծրունու շուրջը և նրան ճանաչեց նահանգի գահերեց իշխան: Սակայն վերջինիս իշխանությունը Ար-

¹⁵ Թուվմա Արծրունի, էջ 310:

¹⁶ Նույն տեղում, էջ 311, 317:

¹⁷ Հմմտ. H. Thopetschian, Die inneren Zustände von Armenien unter Aschot I. Berlin, 1904, S. 22.

¹⁸ Հմմտ. Հ. Նալբանդյան, Արաբացի ոստիկանները Հայաստանում (ՀՍՍՀ ԳԱ «Տեղեկագիր», 1956, № 8, էջ 122):

¹⁹ Թուվմա Արծրունի, էջ 311:

²⁰ Նույն տեղում, էջ 312:

²¹ Նույն տեղում, էջ 312—313:

միևնաժամ օստիկանը չճանաչեց, ուստի հայ իշխաններին մնում էր զենքի ուժով պահպանել իրենց իրավունքները: Մյուս կողմից, Սմբատ Բագրատունին, որը սրպես Հայաստանի սպարապետ կարողացել էր շահել Արմինիայի օստիկանի վոտահույթունը և իրեն պատասխանատու էր համարում Հայաստանում խալիֆայության դեմ նախաձեռնած ամեն մի արարքի համար, Վասպուրականի իշխանների ձեռնարկած քայլերի մասին հայտնեց Իբրահիմ ամիրային²²: Վերջինս Բերկրիի ութմանիկների աջակցությամբ հարձակվեց Վասպուրականի վրա: Խոզաղբերք գյուղի²³ մոտ տեղի ունեցած մարտում սկզբում հաղթում էին վասպուրականցիները: Սակայն Ապուսկդեմ Արծրունու զոհվելը բեկում մտցրեց մարտում՝ հօգուտ թշնամու, որին այնուհետև հաջողվեց ներխուժել Վանա լճի հարավ-արևելյան շրջանները, ասպատակել Ռշտունյաց գավառը և դրավել Ոստանի անառիկ ամրոցը: Դրանից հետո Իբրահիմը վերադարձավ Նախճավան²⁴:

Վասպուրականի իշխանները դրանից հետո էլ Ապուսկդեմ Արծրունու գլխավորությամբ շարունակեցին պայքարը՝ հանուն ինքնավարության: Ապուսկդեմը Արծրունու առաջնորդությամբ Վասպուրականի աղատազորքն անցավ Արծրունիների ոստանը՝ Մեծ Աղբակ գավառը՝ համալրվելու և գործողության ծրագիր մշակելու համար: Այստեղ ձեռնարկեցին առ նա գունդը գունդ յամենայն կողմանց²⁵: Իբրահիմ ամիրան թեև անցել էր Նախճավան, սակայն Ոստանում թողել էր զորք, որի առկայությունը դժվարացնում էր Վասպուրականում հայկական իշխանության վերահաստատումը: Ոստանում զորացրկատ տեղակայելով, Իբրահիմը կամենում էր երկու կողմից աքցանի մեջ պահել Վասպուրականը, որի մի կողմում Ոստանի կայազորն էր՝ միացած Խաթի և Բերկրիի ամիրայություններին, մյուս կողմում՝ Նախճավանում տեղավորված իր զորքը: Անհրաժեշտության դեպքում սրանք կարող էին միավորել իրենց ուժերը: Տեղակայված լինելով Վանա լճի հարավային, հյուսիս-արևմտյան և արևելյան կողմերում, նրանք հսկողության տակ էին պահում կարևոր ռազմա-գինները: Այդ աքցանը վերացնելու նպատակով վասպուրականցիներն առաջին հերթին գրավեցին ամուր հենակետ Ոստանի ամրոցը: Այնուհետև նրանք իրենց իշխանապետ կարգեցին Վասակ Կովակերին²⁶: Հավանաբար Ոստանի վրա հարձակում գործելուն Ապուսկդեմը և իր հետևորդները դեմ են եղել: Թովմա Արծրունին այս մասին ուղղակի չի գրում, բայց նրա այն խոսքերը, թե Ապուսկդեմը հեռացել է Աղբակ (մինչև Ոստանի գրավումը), կուհել են տալիս, որ Ոստանի գրավումը կատարվել է ոչ թե նրա նախաձեռնությամբ, այլ՝ Վասակ Կովակերի և իր համախոհների:

Սմբատ սպարապետը (որին հաճախ սխալմամբ նույնացրել են Մովսես իշխան Սմբատի հետ) Վասպուրականում սկսված շարժումը թուլացնելու միտումով Բյուզանդիայից վերադարձած Գուրգեն Ապուսկդեմին հանեց Վասակ Կովակերի դեմ: Թովմա Արծրունու վկայությունից («փութանակի եկն եհաս յաշխարհս Վասպուրական սպարապետին կամակցությամբ») ²⁷ երևում է, որ

²² Նույն տեղում, էջ 317:

²³ Գտնվում է Վասպուրականի Աղիովիտ գավառում:

²⁴ Թովմա Արծրունի, էջ 319:

²⁵ Նույն տեղում:

²⁶ Նույն տեղում:

²⁷ Նույն տեղում:

Գուրգեն Ապուպելճը Վասպուրական է վերադարձել հենց Սմբատ Սպարապետի հրավերով: Սմբատի նպատակը չէր, անշուշտ, հակաարաբական նոր շարժում առաջացնել: Նա գիտակցում էր, որ Վասպուրականում ինքնուրույն իշխանություն չկարողացել էր պահպանել: Առանձին կարևորություն էր ստանում այն հանգամանքը, թե այդ իշխանությունը քաղաքական ինչպիսի ընթացք կունենա: Սմբատը գործում էր Բուղայի թեմապետությամբ, իսկ վերջինս տեղյակ էր, թե բյուզանդական կողմում ինչպիսի փառք է վաստակել Գուրգեն Ապուպելճը: Այդպիսի շնորհալի զորապետին արաբների կողմը գրավելն անշուշտ զգալի չափով կօժանդակեր Բյուզանդիայի դեմ մղվող պայքարին: Ուստի երբ Բուղան տեղեկացավ Գուրգեն Ապուպելճի վերադարձի մասին, Սմբատին հրամայեց «զի աներկիւղ կացցէ մնասցէ Գուրգէն առ սպարապետին մեծաւ շնորհակալիւք»²⁸, Հետևաբար, հրավիրելով Գուրգեն Ապուպելճին, Սմբատը հույս ունեւորեց նրա միջոցով նախ Վասպուրականում ստեղծել այնպիսի իշխանություն, որը պետք է ճանաչեր ոչ միայն Բուղայի, այլև իր գերիշխանությունը: Սակայն Գուրգեն Ապուպելճը բոլորովին այլ ուղիով գնաց: Երջահայաց կերպով օգտագործելով Բուղայի և Սմբատի վստահությունը, նա Վասակ Կովակերից խլեց ճշգրտաւարություն բոլոր Վասպուրական տերութեանս»²⁹: Գուրգեն Ապուպելճը դիտակցում էր, որ Վասպուրականում լիիշխան տեր լինելու համար առաջին հերթին անհրաժեշտ էր այնտեղից վերացնել Բուղայի ասպատակությունների հետևանքները, հատկապես արաբ զաղթականությունը, քանի որ միասեռ ազգագրական միջավայրի պայմաններում էր միայն հնարավոր պահպանել նահանգի հայկական իշխանությունը: Գուրգեն Ապուպելճը հավատարիմ դորայինների օգնությամբ գրավեց Զլմար և Սրինգ ամրոցները, որպեսզի Կորճայքի կողմից ապահովվի Վասպուրականի անվտանգությունը մահմեդականների հարձակումներից և միաժամանակ հաստատուն դարձնի իր իշխանությունը: Այնուհետև նա «եբարձ զամենայն ազգս Տաճկաց, որ բնակեալ էին Վասպուրական տէրութեանս»³⁰: Գուրգեն Ապուպելճի այս գործողությունները, բնականաբար, թշնամանք ստեղծեցին նրա և Բուղայի ու վերջինիս դրածոների միջև, քանի որ ի չիք դարձվեցին Բուղայի նվաճումները Վասպուրականում: Անշուշտ, այս գործողությունների հաջողությանը մեծապես նպաստեց նաև Բուղայի կլանվածությունը ծանարների դեմ մղված կռիվներով: Նա նույնիսկ ի վիճակի չեղավ զորքը անձամբ հարձակման տանել Վասպուրականի դեմ և այդ հանձնարարեց իր զորապետ Բուտելին, որին դաշնակցում էին Բերկրիի ութմանիկները: Բուտելին հաջողվեց թափանցել Վասպուրական և նույնիսկ հասնել մինչև Հայոց ձոր: Այսպիսով՝ Վասպուրականի իշխանության գլխին լուրջ սպառնալիք կախվեց: Դրությունը բարդանում էր նաև նրանով, որ Վասպուրականի իշխանների մի մասը թշնամական դիրք ունեւորեց Գուրգեն Ապուպելճի նկատմամբ³¹ և հարևան ամիրայությունների հետ դաշնակցած կարող էր հարձակ-

²⁸ Նույն տեղում, էջ 317:

²⁹ Նույն տեղում, էջ 319: Ժ. Լորանի կարծիքով՝ Գուրգենը Սմբատի մոտ է եկել հույների դեմ տարած հաղթանակներից հետո, հուսալով, թե դրանց պատճառով արաբները մոռացության կտան իր՝ նրանց հասցրած վնասները (J. Laurent, Un feodal Armenien au IX^e siècle: Gourgen Ardzrouni fils D'Abou Beldj. Etudes D'Histoire Armenienne, Louvain, 1971, p. 32):

³⁰ Թ ո վ մ ա Ա Ր Ժ Ր Ո Ն Ի, էջ 319:

³¹ Նույն տեղում, էջ 319—320:

վել նրա վրա: Երվանդունիք գավառի արևելյան սահմանագլխին՝ Որդոք գյուղում, հակառակորդը հանկարծակի հարձակվեց Գուրգեն Ապուպելճի զորքի վրա (Թովմա Արծրունին նրա ուժերը հաշվում է 400, իսկ հակառակորդինը՝ 2000 զինվոր): Չնայած թշնամու քանակական գերակշռությանը, Գուրգեն Ապուպելճի զորքը կարողացավ հաղթանակ տանել և նահանգն ազատագրել³², Այդ հաղթանակից հետո էլ Վասպուրականի զորքը ստիպված եղավ անընդմեջ բախվել նահանգում բնակություն հաստատած մահմեդական ցեղերի հետ, որոնք որպես նվաճողներ, ընդունված կարգի համաձայն³³, կարող էին ժառանգաբար տիրել իրենց հատկացված հողերին: Գուրգեն Ապուպելճի դրուժյունը բարդանում է նաև նրանով, որ որոշ խռովարար ուժեր, դրժելով տված երդումը, սկսում են դիմակայել նրան: Բացի «բազում հինիցն եկելոց ի վերայ Գուրգինի», — գրում է պատմիչը, — ...բազում այն էր, որ ի ներքին ընդանեաց հալազատաց, աղաքականաց դրժողաց, ուխտազանցաց, ստոց և ստերդմանց յուղէին աղմուկք»³⁴: Սակայն Գուրգեն Ապուպելճին հաջողվում է նրանց ևս զրսպել, և Բուղան ստիպված է լինում ճանաչել Գուրգեն Ապուպելճի իշխանությունը, նրան ուղարկելով իշխանական զգեստներ և «կացոյց զնա իշխան յիւրում հաւատարիմ տեղւոջ»³⁵:

Գուրգեն Ապուպելճի նկատմամբ Բուղայի նմանօրինակ վերաբերմունքն անշուշտ ունենալու ևս այլ դրդապատճառներ: Նա դրանով կամենում էր թիկունքն ապահովել և բացառել այնտեղ թշնամական ուժի գոյության հնարավորությունը: Բանն այն է, որ Բյուզանդիան սկսել էր ակտիվ քաղաքականություն վարել Փոքր Ասիայի արևելքում³⁶: Հետևաբար Հայկական բարձրավանդակը և նրա կարևոր հատվածը՝ Վասպուրականը, ստանում էին հույժ կարևոր նշանակություն: Այնտեղով էր անցնում Արևելքն Արևմուտքի հետ կապող մայրուղու հարավային ճյուղավորումը, որը բյուզանդացիների ձեռքն ընկնելու դեպքում նրանց հսկողության տակ կդնեն Փոքր Ասիայի արևելյան ուղիները: Մյուս կողմից՝ Վասպուրականի իշխանության համար դրական նշանակություն ունեցավ նաև նրա ճանաչումը Արմինիայի կառավարիչ Բուղայի կողմից: Քանի դեռ վերջինս Գուրգեն Ապուպելճին չէր ճանաչել Վասպուրականի իշխան, երկիրը, ինչպես տեսանք, ենթակա էր ներքին ու արտաքին թշնամիների հարձակումներին: Սակայն ճանաչումից հետո, ինչպես երևում է Թովմա Արծրունու վկայությունից, այդ հարձակումները գրեթե դադարել են³⁷, քանի որ Վասպուրականի իշխանությանը թշնամի ուժերը համակերպվել են ստեղծված կացության հետ: Բնականաբար, հիշյալ հարձակումները կատարվում էին Բուղայի կամ նրա ստորադրյալների կամակցությամբ և հետևաբար այժմ, երբ վերջիններս փոխել էին իրենց վերաբերմունքը Գուրգեն Ապուպելճի նկատմամբ, Վասպուրականի դեմ եղած թշնամանքը պետք է մեղմանար: Այս ի նկատի ունի Թովմա Արծրունին, երբ գրում է, թե Գուրգեն Ապուպելճի իշխա-

³² Նույն տեղում, էջ 320:

³³ A bou Youssouf Yakoub, le Livre de l'impôt foncier (Kitab el-Kharadj), Paris, 1921, p. 141.

³⁴ Թովմա Արծրունի, էջ 321:

³⁵ Նույն տեղում, էջ 322:

³⁶ А. Васильев, Политические отношения Византии и Арабов за время Амориноской династии, СПб., Петербург, 1900, стр. 161.

³⁷ Թովմա Արծրունի, էջ 321:

նության ճանաչումից հետո այլևս չենք և արտաքին յարձակումնքն ոչ կտրէին ի ներքս դիմել մարտնչել ընդ անյաղթ զօրութեան զօրացելոյն ի Քրիստոսէ»³⁸, Ուշագրավ է, որ Բուղան ոչ թե Գուրգենին հրավիրել է իր մոտ, ինչպիսի արվում էր սովորաբար, այլ իշխանական զգեստներն է ուղարկել, Այս հանգամանքը ևս վկայում է, որ նա ոչ թե թելադրողի, այլ համակերպողի գերում էր: Մյուս կողմից այն փաստը, որ Գուրգենն ընդունել է Բուղայի ուղարկած իշխանական զգեստները, ցույց է տալիս, որ նա խոհեմաբար ճանաչել է արաբ փոխարքայի գերիշխանությունը և երկիրն ապահովել նորանոր արհավիրքներից: Որոշակի դեր է խաղացել նաև Սմբատ Բագրատունու միջամտությունը, որը հատկապես էական կարող էր լինել այն պահին, երբ Բուղան կատաղի մարտեր էր մղում Կովկասի լեռնականների դեմ: Թե՛ Բուղան և թե՛ Սմբատը գիտակցում էին, որ Վասպուրականի իշխաններին թուլացնելու լավագույն միջոցը նրանց միմյանց դեմ կռիվներն է: Ուստի իմանալով հանդերձ, որ Գուրգեն Ապուլեյնը պայքարել է ոչ միայն Բյուզանդիայի, այլև խալիֆայի դեմ, ստիպված էին նրան ճանաչել Վասպուրականի իրավատեր: Հավանորեն հենց Սմբատ Բագրատունու միջոցով էր, որ Բուղան ճանաչեց Գուրգեն Ապուլեյնի իշխանությունը: Ժ. Լորանի կարծիքով՝ Սմբատը դրանով կամեցել է, և թե պահանջներն հանգամանքները, Գուրգեն Ապուլեյնին օգտագործել ընդդեմ խալիֆայության, քանի որ իբր Բյուզանդիայի և Գուրգենի հարաբերությունները շատ լավ էին և ուրիշ ոչ ոք չէր կարող այնտեղից օգնություն ստանալ»³⁹, նրա կարծիքով՝ Գուրգեն Ապուլեյնի իշխան կարգվելը հետևանք էր նաև նրա հավատարացության⁴⁰, Այս տեսակետը ճիշտ չէ, քանի որ երբ հետագայում (արդեն Սմբատի որդու՝ Աշոտի օրոք) Տփղիսի ամիրան ձեռքակալեց Գուրգեն Ապուլեյնին և ստիպեց ուրանալ հավատը, նա հրաժարվեց, բայց ոչ թե սպանվեց, այլ բանտարկվեց⁴¹: Եթե նա հավատն ուրացած է եղել, ուրեմն նորից քրիստոնյա է դարձել: Մահմեդական օրենքի համաձայն նա պիտի պատժվեր մահվամբ, այնինչ միայն բանտարկվեց: Իրականում Սմբատն առաջնորդվում էր բոլորովին այլ շարժառիթներով: Որպես արաբների վստահությունը վայելող անձ, նա մտահոգվում էր երկրում ծայր առած հակաարաբական խմորումներով: Վասպուրականի հակաարաբական շարժումը փաստ էր և տվյալ պահին այն ճնշել չէին կարող ո՛չ Սմբատը և ո՛չ էլ Բուղան: Վերջինիս վրա որոշակի ազդեցություն ունեցող Սմբատը⁴² կարող էր հուշել, որ Վասպուրականի հանդեպ անգիշում դիրք բռնելը կնշանակեր նոր թշնամանք սերմանել արդեն նվաճած երկրամասում և կորցնել այն: Ծանաչելով Գուրգեն Ապուլեյնի իշխանությունը, Բուղան կարող էր տպավորություն ստեղծել, թե իբր Հայաստանը լիովին հնազանդվել է իրեն:

Սմբատը նաև գիտակցում էր, որ Գուրգեն Ապուլեյնը Արծրունիների իշխող ճյուղից չէ և, հետևաբար, չնայած Վասպուրականին տիրելուն, ոչ միայն չէր կարող երկարատև ու լուրջ վտանգ ստեղծել Բագրատունիների համար, այլև կթուլացներ Բագրատունիների լուրջ մրցակից Արծրունիների հիմնական ճյու-

³⁸ Նույն տեղում, էջ 322:

³⁹ J. Laurent, Etudes D'Histoire Armenienne. p. 33,

⁴⁰ Նույն տեղում, էջ 36:

⁴¹ Թ ո վ մ ա Ա Ր Ժ Ր Ը Ն Ի, էջ 330—331:

⁴² Նույն տեղում, էջ 295—296:

դին, Պատահական չէ, որ խալիֆայությունում որոշ ժամանակ հետո հակված էին նույնիսկ Արմինիայի կառավարչի պատիվը վերապահել Արծրունիներին⁴³։ Սմբատը դիտեր, որ թշնամանք կար Արծրունիների իշխող ճյուղի և Գուրգեն Ապուպելճի միջև, որի հայրը սպանվել էր այդ ճյուղի դեմ մղված կռիվներից մեկում⁴⁴։ Ուստի Գուրգեն Ապուպելճի գործունեությունը պետք է նպաստեր Բագրատունիների ազդեցության ուժեղացմանը և Արծրունիների թուլացմանը։ Այս ամենի հետ միասին Վասպուրականի իշխան ճանաչվելու գործում մեծ դեր խաղացին նաև Գուրգեն Ապուպելճի անձնական հատկանիշները՝ քաջությունը, տոկունությունը և ձեռներեցությունը։

Վերադառնալով Սամառա, Բուղան գերություն տարավ Հայաստանի գրեթե բոլոր նշանավոր իշխաններին, որոնց թվում նաև Սմբատ սպարապետին։ Հյուսիսային Հայաստանում մնաց վերջինիս որդի Աշոտը, իսկ հարավայինում՝ Գուրգեն Ապուպելճը։ 856 թ. Բյուզանդիայի և խալիֆայության միջև վերսկսված պատերազմը շեղեց վերջինիս ուշադրությունը Հայաստանից։ Մուտավաթի խալիֆան այստեղից հանեց իր զորքերը և ուղարկեց Բյուզանդիայի դեմ, որը հաջող հարձակումներ էր ձեռնարկել Եփրատի կողմից⁴⁵։ Դեպի Արևելք առաջխաղացող Բյուզանդիային հայերի միանալը կանխելու, նույնիսկ, եթե հնարավոր լիներ, նրանց Բյուզանդիայի դեմ հանելու միտումով խալիֆան ներում շնորհեց նաև Արծրունի գերեվարված իշխաններին, որոնց վերադարձը գերությունից չէր կարող նոր սպառնալիք լինել խալիֆայության համար, քանի որ Վասպուրականն անկախություն էր վայելում։ Մյուս կողմից՝ խալիֆան Հայաստան ուղարկելով հայ իշխաններին, կամենում էր թուլացնել տեղի անհնազանդ արաբ ամիրաներին։ Բացի այդ, Վասպուրականի իշխանների վերադարձը թուլացնելու էր նաև հայերի ուժերը՝ առաջացնելով միջիշխանական գոտություններ։ Խալիֆան դրանով նաև հույս ուներ հայերին օգտագործել Կովկասի ժողովուրդների դեմ, մանավանդ որ իշխանների գերեվարձության հենց նախօրյակին Բյուզանդիայի աջակցությամբ վրաց և արխազաց զորամասերով Վասպուրական վերադարձավ Աշոտ Արծրունու եղբայր Գրիգորը⁴⁶, որը լինելով Արծրունիների իշխող ճյուղի անդամը, հավանում էր դառնալ Վասպուրականի գահերեց իշխան։ Սակայն նրան իր հետ բերած զորամասերը լքեցին և նա ստիպված եղավ հրաժարվել իշխանությանը բռնի տիրանալու մտադրությունից ու Գուրգեն Ապուպելճի հետ խաղաղ բանակցություններ սկսել։ Երկուստեք համաձայնությամբ նրանք Վասպուրականը բաժանեցին միմյանց միջև։ Թովմա Արծրունին չի գրում, թե նրանցից յուրաքանչյուրը Վասպուրականի որ մասերում է իշխել։ Նա միայն նշում է, որ Գուրգեն Ապուպելճի նստոցն էր Ռշտունյաց ոստանը⁴⁷։ Մեկ այլ առիթով պատմիչը նշում է, որ Գուրգեն Ապուպելճը հետագայում ևս ձգտում էր տիրանալ Ռշտունիքին, հատկապես Ոստանին, «որ էր տեղի սպանման հօր իւրոյ, գինս արեան զնա համարելով»⁴⁸։

⁴³ J. Markwart, *Südarmenten und die Tigrisquellen*, Wien, 1930, S. 327.

⁴⁴ Թովմա Արծրունի, էջ 330, 377։

⁴⁵ Մատ. G. Weil, *Geschichte der Chalfen*, B. II, Mannheim, 1848, S. 362; J. Laurent, *L'Arménie entre Byzance et l'Islam*, p. 215.

⁴⁶ Թովմա Արծրունի, էջ 322—323։

⁴⁷ Նույն տեղում, էջ 323։

⁴⁸ Նույն տեղում, էջ 377։ Ն. Ադոնցը ենթադրում է, որ Գուրգենը Մարզպետների տոհմից

Գուրգեն Ապուպելճի ու Գրիգորի դաշինքը մեծապես անհանգստացրեց թե՛ խալիֆային և թե՛ Վասպուրականի գերեզմարված իշխաններին: Չնայած Գուրգեն Ապուպելճը ճանաչել էր Բուղայի գերիշխանությունը, խալիֆայի համար պարզ էր, որ նա հարմար պարագայում կհարեր Բյուզանդիային: Այդ էր պատճառը, որ Գրիգոր Արծրունու մահվանից հետո, երբ Գուրգեն Ապուպելճը վերստին միայնակ էր տիրում Վասպուրականին, Արմինիայի նոր ոստիկան Մահամմադ Շայբանիի դրդումով Գուրգեն Ապուպելճի դեմ պատերազմ սկսեցին Վասակ Կովակերը և նրա եղբայր Վահանը: Սրանց Թովմա Արծրունին հիշատակում է որպես Արծրունյաց տոհմի երկրորդական ճյուղերից մեկի նահապետ Աշոտ Արծրունու որդիներ: Վահանին ու իր եղբորը գործակցում էին նաև Ամատունիները: Սակայն նրանք պարտվեցին և Վահանը վերադարձավ Սամառա՝ հորը և ուրիշներին զեկուցելու կատարվածի մասին⁴⁹:

858 թ. գերությունից վերադարձավ Վասպուրականի Արծրունյաց իշխող ճյուղի անդամներից Դերենիկը, որը ըստ Թովմա Արծրունու՝ «էր ամաց իբրև տասանց»⁵⁰: Սակայն վերլուծելով պատմիչի տվյալները, տեսնում ենք, որ Դերենիկը 2—3 տարով մեծ է եղել: Ըստ Թովմա Արծրունու, հայոց իշխանների գերությունը կատարվել է 852 թ., քանի որ նա նրանց գերության վեցերորդ տարին համարում է հայոց ՅԶ (306), այսինքն՝ 857 թ. կամ Հայոց կաթողիկոս Զաքարիա Զաքեցու (855—876) աթոռակալելու երրորդ տարին⁵¹: Գերությունից իշխանների վերադարձը սկսվել է նրանց գերության յոթերորդ տարում, այսինքն 858 թ.⁵²: Երբ սպանվեց Դերենիկը, «էր ամաց խ» (40)⁵³, իսկ Դերենիկը սպանվել է 855 կամ 856 թթ., ինչպես երևում է նույն պատմիչի ուրիշ վկայություններից: Ուստի 40 տարի ետ գնալով, կստանանք 845 կամ 846 թթ.: Հետևաբար՝ 858 թ. Դերենիկը ոչ թե 10, այլ 12—13 տարեկան էր:

Դերենիկն, անշուշտ, չէր կարող իշխանությունը խել Գուրգեն Ապուպելճից, ուստի հաջորդ տարի Վասպուրական ուղարկվեց նրա հորեղբայր Գուրգենը, որը պետք է պաշտպաներ Դերենիկին՝ ընդդեմ Գուրգեն Ապուպելճի: Նակայն տեղի ունեցավ հակառակը: Դերենիկի հորեղբայրն ինքը ջանաց տիրանալ Վասպուրականի իշխանությանը: Զկարողանալով հասնել դրան, նա Գուրգեն Ապուպելճին առաջարկեց Վասպուրականը բաժանել միմյանց միջև: Սակայն Գուրգեն Ապուպելճը հրաժարվեց այդ անելուց երկու պատճառով. նա նախ գիտեր, որ այդպիսով դեմ է գնալու Վասպուրականի օրինական տերերին, ինչպես և նրանց հովանավորող խալիֆային ու Վասպուրականի ազատանուն: Մյուս կողմից՝ նա չէր հավատում նաև Գուրգենին, հիշելով նրա հոր վերաբերմունքն իր հոր հանդեպ: Ուստի Գուրգեն Ապուպելճը

էր, քանի որ նրա բուն բաժինն էր Մարդաստանը (Ն. Ադոնց, Պատմական ուսումնասիրություններ, Փարիզ, 1948, էջ 74—75): Ըստ երևույթին լրացուցիչ կովանների առկայության դեպքում թերևս հնարավոր լինի սպացուցել, որ Գուրգեն Ապուպելճը Ռշտունիների շառավիղներից էր:

⁴⁹ Թովմա Արծրունի, էջ 323—324:

⁵⁰ Նույն տեղում, էջ 328:

⁵¹ Նույն տեղում, էջ 326:

⁵² Նույն տեղում, էջ 327—328:

⁵³ Նույն տեղում, էջ 367:

և՛ հրաժարվեց Վասպուրականի իշխանությունից, այն թողնելով ժամանակի իրավիճակում օրինական տերերին:

Այսպիսով, IX դ. կեսերին, շնայած Բուղայի հրոսակների ասպատակություններին, հնարավոր եղավ վերականգնել Վասպուրականի իշխանությունը, մինչև նրա օրինական տերերի վերադարձը: Այդ իշխանությունը ճանաչվեց Արմինիայի ոստիկանի և խալիֆայի կողմից՝ մեծապես նպաստելով հետագայում ամբողջ Հայաստանի անկախության վերականգնմանը:

ВАСПУРАКАНСКОЕ КНЯЖЕСТВО В 850-ых ГОДАХ

В. М. ВАРДАНЯН

Резюме

В 851 г., после захвата Армении войсками халифата, князя Васпуракана, сохранив военные силы, продолжали борьбу за свои права и независимость. Эта борьба увенчалась успехом, когда ее возглавил представитель второстепенной ветви Арцрунидов Гурген Апупелч. Халифат в лице полководца Буги вынужден был признать княжество Гургена Апупелча, ибо преследовал цель ослабить провизантийские силы Васпуракана и перетянуть их на сторону халифата. Впоследствии Васпураканское княжество имело большое значение для восстановления независимости всей Армении.